



UNIVERSITÄTS-
BIBLIOTHEK
PADERBORN

Epitome Instituti Societatis Jesu

Sesti, Curtius

Bruxellis, 1690

Sect. I. De Paupertate.

[urn:nbn:de:hbz:466:1-68440](https://nbn-resolving.org/urn:nbn:de:hbz:466:1-68440)

CAPUT II.

De Paupertate, Castitate, & Obedientia.

Harum trium Virtutum Voto promissarum obligationes, respondentes Scholarium, Professorum, & Coadjutorum classibus, suis quæque locis leguntur: hic tamen explicanda supersunt, quæ toti Societati communia, ad earum Virtutum, non modò obligationes implendas, sed & perfectionem acquirendam, decreta sunt.

SECTIO I.

De Paupertate.

1. Quia Paupertas veluti propugnaculum est Religionibus; ut eas in statu suo, & disciplina conservet; unde etiam Dæmon enititur illud variis rationibus evertere; propterea diligenda, & in sua puritate conservanda est, quantum divina gratia aspirante fieri poterit.

Paupertas, Religionis Propugnaculum.

a P. 6. c. 2. §. 1. & P. 10 § 5. & C. 11. D. 13.

2. Intelligent omnes, eam quantitatem, quæ satis esset ad constituendum peccatum mortale furti, si surriperetur, sufficere; ut

Qua materia gravis contra hanc Virtutem.

Q4

pec-

bC. 5. D. 50. §.
4. & D. 59. &
Or. c. 4. §. 10.
c C. 5. D. 51. &
Or. c. 5.

*Prohibetur etiā
graviter com-
pensatio pro Mi-
nisteriis.*

d Jul. III. p. 61.
& Ex. c. 1. §. 3.
& c. 4. §. 27. &
P. 4. c. 7 §. 3. &
c. 15. §. 4. & c.
17. F. & P. 6. c.
2. §. 7. & G. &
P. 7. c. 4. §. 4. B.
& P. 10. §. 5.

e C. 5. D. 29.

f C. 12. D. 39.

peccasse adversus Votum Paupertatis judi-
cetur, qui è Nostris rem, ut propriam,
vel usurpet, vel alienet, absque Superioris
facultate. *b* Idque peccatum est in Socie-
tate reservatum. *c*

3. Gratis dare debemus, quæ gratis
accepimus; nec postulando, nec admit-
tendo stipendium, vel eleemosynas ul-
las, quibus Mistæ, vel Confessiones, vel
Prædicationes, vel Lectiones, vel quod-
vis aliud officium nostri Instituti compen-
sari videatur. *d* De qua prohibitionem acci-
piendi stipendia pro Ministeriis, in Con-
stitutionibus inculcata, cum dubitatum
fuiſſet; an ea induceret obligationem, vi
Voti Paupertatis; an Constitutionis tan-
tùm: nihil in alterutram partem placuit
definire; sed exactissimâ ejus legis obser-
vatio, tanquam necessaria omnibus com-
mendata; prohibitumque, ne ullus Super-
rior, ac ne ipse quidem Præpositus Gene-
ralis in ea dispenſet. *e* Declaratum præte-
rea, nullius Superioris super ea re, vel
licentiam; vel dispensationem, seu lici-
tam, seu validam esse. *f* Quæ igitur sic
donantur, ut conjectura sit id fieri intuitu
Ministerii, non sunt admittenda; donec
donantes planè intelligant, accipi non pos-
se, nisi nomine eleemosynæ, & secluso
omni

omni alio respectu : atque hoc eodem modo ipsi quoque largiantur. §

4. Quin, ut omnis avaritiæ species evitetur, præcipuè in piis Ministeriis, nulla statuatur in Ecclesia Arca pro eleëmofynis, seu in nostram, seu in aliorum utilitatem. *h* Eadem de causa munuscula Magnatibus, ad res majores obtinendas, ne offerantur. Parati verò Nostri sint ad mendicandum ostiatim; quando vel obedientia, vel necessitas id exiget. *l* In eleëmofynis tamen petendis modus adhibendus est; ne nimii, aut importuni sint; *m* sed illas simpliciter, amore Domini nostri, petent. Præcipiturque universis, ne ulli Externo suadeant, ut Nostri potius, quàm aliis pauperibus eas erogent, contenti nostras necessitates explicare; definitionem autem devotioni elargiri volentium relinquunt. *n* Atque ut hoc in genere omnibus periculis occurratur, interdicitur Omnibus Legatorum confidentialium executionem acceptare, ea planè ratione, qua in Constitutionibus Testamentorum executio prohibetur. *o*

5. Non ferendum, ut à Parentibus, cognatis, amicis, poenitentibus devotis, etiamsi Principes Viri sint, quidquam petatur, aut accipiatur, ad proprium usum,

g C. 12. D. 40.
& Or. c. 1. §. 14.

*Bleëmofyna
quatenus petenda.*

h P. 6. c. 2. §. 8.
& C. 2. D. 78.

i P. 6. c. 2. §. 9.

l Ex. c. 4. §. 27.
& P. 4. c. 2. §. 6.
& P. 6. c. 2. §. 10.

m Or. c. 4. §. 8.

n P. 6. c. 2. §. 6.
& §. 10. & C. 2. D. 56.

o C. 12. D. 38.

*Nulla admit-
tenda ad usum
particularem.*

ac

p P. 4. c. 15. §. 4.
& C. 6. D. 21. &
C. 12. D. 43. &
R. Prov. 90. &
R. Præp. 64. &
ReA. 60. & Or.

C. 4. §. 9. & In.

I. §. 6. & In.

15. C. 1. §. 1. 2.

Ædificiorum

moderatio.

q C. 1. D. 113.

Species negotia-

tionis vitanda.

ac dispositionem : nec ad id Superiores potestatem facere possunt Quod si sponte aliquid offeratur , mittatur-ve , id juxta Regulam , in communem usum accipiatur , & dispensetur. p

6. Ædificia Domorum , & Collegiorum sint quidem ad habitandum utilia , sana & fortia , sed modus imponendus , quod in nobis est , ne sint sumptuosa , & curiosa ; & videantur Palatia Nobilium De Ecclesiis nihil statutum est q

7. Omnia , quæ speciem habent secularis negotiationis prohibentur ; qualia sunt : conducere agros alienos ad quæstum faciendum : emere aliqua , ut nostrâ postea industriâ cariùs vendantur. Nostrorum impressos Libros , lucro damno-ve nostro dividendos accipere , suppeditatis Typographiæ sumptibus : Typographiam in Collegiis habere ; in qua Externis Libri excusdivendantur ; atque alia , quæ sigillatim numerari non possunt. r

8. In his , quæ pertinent ad Victum , Vestitum , cubiculique supellectilem ; & alia Vitæ communi necessaria , Uniformitas tam Superiorum cum Inferioribus , quàm Inferiorum inter se , omnino retinenda : eaque omnia teneantur Superiores suppeditare. Quod in Scholasticis , qui externo

r C. 2. D. 61. &

C. 7. D. 84.

Vita communis.

Vita communis.

terno scriptore indigent, sigillatim commendatum est. Nulli degant in Domibus, vel Collegiis, hoc solo nomine, quod solvant quantum necesse est ad ipsorum sustentationem.

9. Ceterum vestitus sit honestus, non recedens ab usu regionis, & conveniens professioni Paupertatis, qualis non esset; si fericis, vel pretiosis pannis uteremur. Vitus etiam, & reliqua corpori necessaria usurpantur ex consilio Medici, habita ratione Humilitatis, & Paupertatis, & servata proportione virium in diversis Personis; quæ non semper sanitate corporis, & ætate ad eam convenienti pollent.

10. Nemo pecuniam apud se habeat; apud alium verò, neque pecuniam, nec quidquam aliud. Si tamen aliquando concederetur (quod rarò tantum, justaque ob causas, junioribus præsertim, & Coadjutoribus permittendum) ut pecuniam quis haberet: ea apud ipsum totius Domus Superiorem deponi debet. Nemo autem potest habere pecuniam depositam, vel apud alium, penes quem ejus dominium remaneat; vel apud se, ita ut dominium spectet ad alium; illaque, annuente Superiore, uti: nam in tali casu concessa facultas nulla, atque irrita, declarata est.

II. Li-

P. 6. c. 2. §. 11.
& R. Dispens.
1. & Præf. Ref.
8. & Coqui. 5.
& C. 12. D. 43.
& In. 1. §. 4. &

6.
C. 8. D. 39.
*Qua norma
Vestitus, victus.*

P. 6. c. 2. §. 15.
16. & L. M. &
R. Disp. 1. &
Præf. Ref. 8.

*Deposita pecu-
niarum.*

x Ex. c. 4. §. 4.
& P. 6. c. 2. §.
11 & R. com. 7.

y C. 12. D. 42.

z. C. 12. D. 41.

*Libri privati
interdicuntur.*

11. Libros nemo habeat sine facultate: in
iis verò, quibus uti licet, nec notam ullam
imprimat, nec scribat quidquam; & si
aliquos habet, sibi peculiariter commoda-
tos, non scribat in eis *ad usum* &c. sed po-
tius nomen Collegii, vel Domus, cui sunt
applicati. Nec ex uno in aliud Collegium
asportandi erunt, exceptis aliquibus pau-
cis, & quotidiani usus libellis; qui com-
muniter à Superioribus cuicumque conce-
duntur. *a*

*Et regula pre-
tiosa, sive super-
vacanea.*

*b C. 7. D. 80. §.
4. & In. 13. c. 5.
§. 3. & Or. c. 3.
§. 14.*

*c C. 7. D. 80. §.
3. & R. Cult.
vest. 5. & In. 1.
§. 5. & In. 14.
§. 2.*

*d P. 4. c. 10. §.
5. & D. & R.
com. 11.*

*Facultates pe-
renda, & rara
sunt ad munus-
cula.*

12. Nulla ratione permittatur, ut Nostri
apud se habeant, secumque ferant quædam
pauperibus non convenientia: ut sunt ho-
rologia rotata, & affabrè facta, imagi-
nes multi valoris, reliquiaria curiosa & pre-
tiosa, quæ aurei unius valorem excedant,
aliaque id genus. *b* In Nostrorum etiam
cubiculis non detineantur duplices vestes,
instrumenta itinerum, & similia, quæ in
usu non sunt. Visitentur propterea cubi-
cula singulis mensibus; ut hæc superflua
apud Custodem vestium conserventur. *c*
Nemo autem ita cubiculum suum claudat;
quin aperiri extrinsecus possit: aut arcam,
seu quidquam aliud habeat obseratum,
absque Superioris facultate. *d*

13. Nemo rem ullam ex Domo, vel ex
alterius cubiculo sibi usurpet: aut ab Ex-
terno,

terno, quovis modo, sibi, aut alii acci-
piat, sine licentia Superioris. *e* Usus vero
accipiendi, mittendique pia munuscula,
& similia, etiam cum facultate, corri-
gendus videtur: nec tam faciles se Supe-
riores exhibeant in facienda hujusmodi po-
testate præsertim generali. *f*

14. Nostri itinera pedites conficiant; &
in dispensando ut equo utantur, solius ne-
cessitatis, sive personæ, sive negotiorum,
habenda ratio. *g* Iisdem verò ut necessario
viatico providendum est, ita non permitten-
da pecunia, undecumque demum corro-
gata sit, ad superflua coëmenda. *h* Com-
mendatur autem Superioribus, ne, dum
paupertatis amantes videri volunt, caritas
ipsa lædatur; & occasio detur aliquid pa-
trandi, quod proprietatem sapiat. Quare
Provinciales curent enixè; ut impensis
Provinciæ peculiaris quispiam locus sit,
ubi instrumenta ad iter agendum asserven-
tur. *i*

15. Demum Superiores vigilant; ne quid
in Societatem introducatur; quod huic
Paupertatis perfectioni adversetur, & pro-
prietatem sapiat. Ad quod juverit, si neces-
saria à Societate provideantur; & tum Su-
periores, tum graviores Patres omnibus
exemplo præluceant. *l* Omnes verò dili-
gant

e P. 3. c. 1. §. 8.
& R. com. 9.

f In. 13. c. 1. §.
3.

*Itineris agendi
ratio.*

g C. 3. D. 37. &
R. Prov. 115.

h Or. c. 4. §. 13.
& In. 1. §. 3.

i In. 14. §. 2.

*Quid in uni-
versum Superio-
res, quid omnes
prestare de-
beant.*

l In. 1. §. 4.

gant Paupertatem, ut Matrem, sui que victus, vestitus, & lecti rationem noverint fore, ut pauperibus accommodatam; quodque vilissima, quæ domi sunt, iis tribuentur. Equum est enim; ut cum primis Societatis Patribus, qui huiusmodi indigentiam toleraverunt, una mensura servetur ab omnibus, vel etiam ulteriùs quàm illi progressi sunt, posteri progrediantur. Immo suis temporibus aliquos paupertatis effectus experiri convenit; quod Superior curabit, juxta mensuram tamen sanctæ discretionis.

m P. 3. c. 1. §. 25. & V. & Ex. C. 4. §. 26.

SECTIO II.

De Castitate.

Necessitas perfecta Castitatis in Societate.

m P. 6. c. 1. §. 1.

Cl. c. 5. init.

I. Quæ ad Votum Castitatis pertinent, interpretatione non indigent; cum constet, quàm sit perfectè observanda; nempe enitendo Angelicam puritatem imitari, & corporis, & mentis nostræ munditiâ. Quod effatum S. Fundatoris satis videri poterat; sed quoniam ea quæ huic virtuti adversantur, honori Divino, Societatis existimationi, Proximorum auxilio tantoperè adversantur; ad prævertenda hæc pericula nonnulla præterea statuta sunt.

2. Quæ